

ՀՀ ԿԱ պետական եկամուտների կոմիտե

Հարկային և մաքսային մարմինների գանգատարկման հանձնաժողով

Ո Ր Ո Շ ՈՒ Մ 18/5

26 հուլիսի 2016թ.

Քննարկվեց «Հանս Քրիստիան Կոֆոեդ» բարեգործական հիմնադրամի գանգատը ՀՀ ԿԱ ՊԵԿ աշխատակազմի իրավաբանական վարչության պետի 04.04.2016թ. թիվ 317468/02 որոշման դեմ:

«Հանս Քրիստիան Կոֆոեդ» բարեգործական հիմնադրամի գանգատում բերված փաստարկները.

«Հանս Քրիստիան Կոֆոեդ» բարեգործական հիմնադրամը բողոքարկում է ՀՀ ԿԱ ՊԵԿ աշխատակազմի իրավաբանական վարչության թիվ 317468/02 որոշմամբ հիմնադրամի տնօրեն Շ.Խաչատրյանին վարչական տույժի ենթարկելը:

Երևանի «Հանս Քրիստիան Կոֆոեդ» բարեգործական հիմնադրամն իրականացնում է ՀՀ կառավարության լիազոր մարմնի՝ ՀՀ աշխատանքի և սոցիալական հարցերի նախարարության կողմից որպես պատվիրակված լիազորություն, «Անօթևան մարդկանց համար ժամանակավոր օթևանի տրամադրման ծառայություններ» ծրագիրը:

Հիմնադրամը պարտաճանաչ հարկատու է և միշտ հարկային պարտավորությունները կատարել է նախատեսված ժամկետներում:

Հիմնադրամը տեղեկացնում է, որ ՀՀ կառավարության աշխատանքի և սոցիալական հարցերի նախարարությունը «Հանս Քրիստիան Կոֆոեդ» բարեգործական հիմնադրամի հետ «Սուբսիդիայի տրամադրման պայմանագիրը» N USՊ 10.07.01.05/16 կնքել է 19.02.2016թ.:

Հիմնադրամի բանկային հաշվին ֆինանսավորումը հունվար ամսվա համար ՀՀ աշխատանքի և սոցիալական հարցերի նախարարության կողմից փոխանցվել է 26.02.2016թ. համաձայն թիվ 109000 վճարման հանձնարարականի: Եկամտային հարկի պարտավորությունների գումարը՝ 650.000 դրամ, հիմնադրամի կողմից փոխանցվել է նույն օրը՝ 26.02.2016թ., թիվ 6 վճարման հանձնարարականով:

Միաժամանակ տեղեկացվում է, որ հիմնադրամի կողմից 04.04.2016թ. գրություն է ուղարկվել ՀՀ ԿԱ ՊԵԿ աշխատակազմի իրավաբանական վարչության պետին՝ հիմնավորված փաստաթղթերի պատճենները, փոխանցումը ուշացնելու վերաբերյալ:

Ելնելով վերոգրյալից՝ գանգատաբերը խնդրում է քննարկել և վերանայել հիմնադրամի տնօրենին վարչական տույժ նշանակելու վերաբերյալ որոշումը:

ՀՀ ԿԱ ՊԵԿ հարկային և մաքսային մարմինների գանգատարկման հանձնաժողովի եզրակացությունը.

ՀՀ ԿԱ ՊԵԿ հարկային և մաքսային մարմինների գանգատարկման հանձնաժողովը (այսուհետ նաև Հանձնաժողով), ուսումնասիրելով սույն գործին առնչվող նյութերն ու ապացույցները եկավ հետևյալ եզրակացության:

Քննարկման ընթացքում նշվեց, որ ՀՀ ԿԱ ՊԵԿ աշխատակազմի իրավաբանական վարչության պետը, քննելով վարչական իրավախախտման վերաբերյալ թիվ 1645 գործը և ուսումնասիրելով վարչական իրավախախտման

վերաբերյալ 04.04.2016թ. արձանագրությունը պարզել է, որ «Հանս Քրիստիան Կոֆոեդ» բարեգործական հիմնադրամի (այսուհետ նաև Հիմնադրամ) տնօրեն Շավարշ Խաչատրյանն ըստ անձնական հաշվի քարտի տվյալների 26.02.2016թ. դրությամբ ունի 542.747 դրամի պարտավորություն, որից եկամտային հարկի գծով 539.187 դրամ, սոցիալական վճարի գծով 3.541 դրամ:

Նկատի ունենալով, որ արարքը նախատեսված է «Վարչական իրավախախտումների վերաբերյալ» ՀՀ օրենսգրքի 170.3-րդ հոդվածով, ուստի ղեկավարվելով նույն օրենսգրքի 32-րդ հոդվածի 2-րդ մասով, 244.2-րդ, 281-րդ հոդվածներով և 282-րդ հոդվածի 1-ին կետով ՀՀ ԿԱ ՊԵԿ աշխատակազմի իրավաբանական վարչության պետի կողմից 04.04.2016թ-ին ընդունվել է վարչական իրավախախտման գործի վերաբերյալ թիվ 317468/02 որոշումը (այսուհետ նաև Որոշում), որով Շավարշ Խաչատրյանը ենթարկվել է վարչական պատասխանատվության՝ գումարով 20.000 դրամի չափով:

Հարկ է նշել, որ «Վարչական իրավախախտումների վերաբերյալ» ՀՀ օրենսգրքի 170.3-րդ հոդվածի համաձայն՝ հարկերը սահմանված ժամկետներում չվճարելը առաջացնում է տուգանքի նշանակում սահմանված նվազագույն աշխատավարձի տասնապատիկից մինչև քսանապատիկի չափով:

Տվյալ դեպքում ըստ «Հանս Քրիստիան Կոֆոեդ» բարեգործական հիմնադրամի անձնական հաշվի քարտի տվյալների, 26.02.2016թ. դրությամբ հիմնադրամի չկատարված պարտավորությունը կազմել է ընդամենը 542.747 դրամ, այսինքն՝ հիմնադրամի տնօրեն Շավարշ Խաչատրյանի կողմից թույլ է տրվել զանցանք, որի համար վերջինս «Վարչական իրավախախտումների վերաբերյալ» ՀՀ օրենսգրքի 170.3-րդ հոդվածի հատկանիշներով ենթարկվել է վարչական պատասխանատվության:

Ինչ վերաբերվում է գանգատում բերված պնդումներին, որ վերոգրյալ խախտումը թույլ տալու համար հիմք է հանդիսացել Հիմնադրամի բանկային հաշվին հունվար ամսվա համար նախատեսված ֆինանսավորումը ուշ փոխանցվելու հանգամանքը, ապա Հանձնաժողովը գտնում է, որ բերված փաստարկը չի կարող դիտվել որպես վարչական իրավախախտման համար պատասխանատվությունը մեղմացնող հանգամանք և հիմք հանդիսանալ Շավարշ Խաչատրյանին վարչական պատասխանատվությունից ազատելու համար:

Ելնելով քննարկման արդյունքներից և ղեկավարվելով «Հարկային ծառայության մասին» ՀՀ օրենքի 43.1-րդ հոդվածի և «Մաքսային ծառայության մասին» ՀՀ օրենքի 37-րդ հոդվածի պահանջներով հանձնաժողովը

ո Ր Ո Շ Ո Ւ Մ Է՝

ՀՀ ԿԱ ՊԵԿ աշխատակազմի իրավաբանական վարչության պետի 04.04.2016թ. թիվ 317468/02 որոշումը թողնել անփոփոխ, իսկ գանգատը մերժել:

Սույն որոշմանը չհամաձայնվելու դեպքում այն ուժի մեջ մտնելու օրվանից երկու ամսվա ընթացքում կարող է բողոքարկվել տեսչա կամ վարմինների միասնական բողոքարկման հանձնաժողով կամ ՀՀ վարչական դատարան:

Հանձնաժողովի նախագահ՝



Վ.ՄԻՐՈՒՄՅԱՆ